

“Festival di Aguinaldo” un exito den Ser’i Noka!



SER’I NOKA · WEDNESDAY, OCTOBER 30, 2019 · 8 MINUTES

Considerando cu nos ta na drempel di un otro fin di aña y cu “Ser’i Noka” ta den un luz hopi positivo y den boca di pueblo ultimo tempo, hopi persona a aserca nos pa conta nos di nan grato recuerdonan di e teatro aki durante e temporada special di fin di aña.

Serca hopi di esnan cu Ser’i Noka a forma parti importante di nan infancia y hubentud, un di e recuerdonan di mas grato ta e festivalnan di aguinaldo cu tabata tuma lugar den e teatro di Ser’i Noka.

Musica di aguinaldo tabata masha popular na final di decada 50 y durante decada 60 y 70 riba nos isla. Numeroso agrupacionnan tabata wordo forma pa asina alegra curazon di nos localnan den tur skina durante e temporada di fin di aña.

Hopi di e cancionnan aki cu tabata wordo presenta, te awe ta forma parti importante di nos celebracion di fin di aña. Apesar cu mayoria no ta composicionnan local.

Addison Croes, iniciador y motor tras di Festival di Aguinaldo

Tur proyecto exitoso o tradicion duradero, tin un of mas pionero y visionario cu no a solamente soña cu e idea pero cu a tuma accion pa haci esaki un realidad.

E persona cu a percura pa esaki bira un tradicion sumamente popular riba nos isla, tabata e ilustre Sr. Addison Croes d.f.m.

Un ser creativo masha exitoso cu pa hopi aña a organisa un sin fin di actividad grandi y exitoso pa deleite di e pueblo di Aruba. Sr. Croes tabata un promotor incansable di e talento local. No solamente e tabata contrata artistanan internacional pa presenta na Aruba, pero tambe e tabata crea masha hopi oportunidad pa e talento local, inclusive riba plataformanan internacional.



Sr. Addison Croes, d.f.m.

Conoci como “E voz di Aruba” pa su voz unico. Admira y respeta pa su energia, su karakter emprendedor, su experiencia amplio como locutor y como un personalidad importante den e mundo di entretenimento.

Tur cos a cuminsa na 1963, e mesun aña cu Ser’i Noka a wordo inaugura!

Tabata na aña 1963 cu Sr. Croes a tuma e iniciativa pa cuminsa cu “Festival di Aguinaldos” cu pronto a bira un di e eventonan di mas gusta y anticipa den tur skina na Aruba.

Sr. Croes a crea un plataforma nunca bisto pa gruponan local di aguinaldo.

Durante mas cu dos decada Aruba a conoce un abundancia di gruponan di aguinaldo den practicamente tur parokia. Loke cu tabata resalta tambe ta cu tur e gruponan aki tabata tin uniformnan masha bunita y elabora.

Asina nos por nota pues cu Sr. Croes a logra inspira masha hopi musico y cantante local pa nan organisa nan mes y crea nan gruponan di aguinaldo.

Apenas un aña despues, pues na 1964, ya tabata existi mas di 20 grupo musical cu hunto a yega mas di mil integrante total! Na 1967 nos isla tabata conta cu 24 grupo di aguinaldo.

Algo cu ningun hende por a premira.




Grupo "Las Palmeras" di Oranjestad, ganadornan di festival di aguinaldo 1963

E proyecto cu a cuminsa como algo “chikito” riba 27 di November 1963 na jeugdcentrum Tanki Leendert, a bira un serie di casi un luna di varios shownan di aguinaldo rond di e barionan di nos isla.

E prome añanan esaki tabata cuminsa durante e ultimo siman di November na Jeugdcentrum Tanki Leendert y hopi bes tabata termina durante e siman di Pasco den Wilhelmina Stadion. Riba e anochi final tabata scohe campeonnan y sub-campeonnan di e festival aki.

Tabata na aña 1967 cu a tuma e decision cu lo cuminsa inclui e teatro di Ser'i Noka den e itinerario di “Festival di Aguinaldos” y asina un fascinacion grandi y nobo di e publico local a nace pa cu e teatro aki.



Dicon Ser'i Noka a bira asina special pa e festival?

Pa e motibo cu manera cu nos sa, e temporada di fin di aña ta un temporada di yobida hopi bes. Esaki a significa cu varios bes e escenario principal di Ser'i Noka (cu ta practicamente un dam), tabata yena di hopi awa ora cu awa yobe.

Aki e creatividad excepcional di Sr. Croes tabata resalta un bes mas, na momento cu escenarionan flotante tabata wordo construi pa asina gruponan di aguinaldo por a presenta. Algo sigur nunca bisto riba nos isla.

Te cu dia di awe, varios di e integrantenan di gruponan di aguinaldo y tambe personanan cu tabata sinta den tribune di Ser'i Noka pa disfruta di e spectaculonan aki, ta conta con fascinante y encantador e experiencia aki tabata.

Un di nan ta Sra. Figaroa cu tabata forma parti di e grupo "Los Cantarines" di Noord. Sra. Figaroa a expresa: "E tabata algo magico. Un mondi encanta, cu meymey di dje un escenario ilumina cu tabata flota riba awa. E ta algo cu mi no por splica cu palabra pero sigur algu cu hamas mi lo lubida".



Cu e pasada di tempo nos por a nota cu e tradicion di gruponan di aguinaldo a wordo reemplaza cu e tradicional gruponan di gaita.

Kizas e ta un idea pa nos rebiba e tradicion aki bek y haci'e den Ser'i Noka?


Si abo a forma parti di un di e gruponan di aguinaldo aki, of bo conoce un persona cu a forma parti di nan, nos ta hopi interesa pa bo comparti cu nos potretnan di e festivalnan di aguinaldo aki. Especialmente esnan cu a tuma lugar den Ser'i Noka.


E nota aki a wordo skirbi cu e deseo di por rindi un homenahe aunke chikito, na Sr. Addison Croes cu a haci e celebracion di fin di aña na Aruba algo aun mas special di loke e tabata. Un visionario y ser creativo excepcional y exitoso cu tabata un promotor incansable di nos cultura.

Gruponan cu a resalta semper pa nan presentacionnan tabata entre otro:

“Los Pajaritos Navideños” di San Nicolas,
“Los Mix” di San Nicolas,
“Voces Navideñas” di Pos Chikito,
“Los Claveles Navideños” di Santa Cruz,
“Los Caminantes”,
“Las Campanitas” di Oranjestad,
“Voces Risueñas”, “Los Fenix”,
“Los Cardenales del exito” di Paradera,
“Los Cantarines” di Noord,
“Los Coloramicos”,
“Las Palmeras” di Oranjestad (cu a bira campeon na 1963),
“Los Cardenales”,
“No me olvides” di paradera,
“Las Blancas Palomitas” di Tanki Leendert,
“Voces Tucuceros” di Savaneta,
“Los Alegres Canteros” di Santa Cruz,
“Perlas Navideñas”,
“Los Tropicales” di Tanki Leendert,
“Los Samuros del Exitio” di San Nicolas
“Los Cavilares del Exitio” di Dakota y hopi hopi mas.

Fuente: Amigoe di Curaçao, Arubaanse Courant, E Observador, Sr. Ito Tromp, Sr. Eddie Tromp, “Butishi di Alegria”, Esso News, Radio Kelkboom, Watapana Recording Studio, Coleccion digital Arubiana-Caribiana y Delpher.nl







Los Cardenales




Los Caminantes



Las Blancas Palomitas of Tanki Leendert



Voces Brasileñas of Brazil



Click on image to switch to zoomable view

Las Blancas Navideñas - Sta. Cruz



Las Estrellas Navideñas of Piedra Plat



GROOTSE OPENING VAN Festival Aguinaldos 1967

morgenavond om 7.30 uur in het
Wilhelmina Stadion.

TOEGANG: VOLWASSENEN FLS. 1,—

KINDEREN FLS. 0,50



Voor de opening van het Aguinaldos-festival 1967 bestond gisteravond in het Wilhelminastadion opmerkelijk grote belangstelling. Het stadion was geheel uitverkocht en velen moesten zonder een plaats

te vinden huiswaarts keren. De organisatie was beter dan ooit te voren en belooft veel door de komende uitvoeringen, die de Aguinaldos de komende weken gaan geven. Behalve dat de kerstliederen door het

stadion klonken, waren de verschillende groepen leuk en fleurig gekleed en gaf het geheel een stemmige sfeer. Foto: de enige Gaita-groep, die alleen uit dames bestond: Estrellas del oro.

AGUINALDOS-festival groeit tot een traditie

Groepen zullen op Aruba sfeer brengen

ORANJESTAD. — Begin november zal onder leiding van de Aguinaldos-commissie, met als voorzitter de heer Addison Croes begonnen worden met de voorbereidingen voor het Aguinaldos-festival 1965. De heer Croes nam hiertoe het initiatief in 1963.

CCL-beurs voor M. Cilie

(Van de redactie Aruba)
SAN NICOLAS. — De heer Victor M. Cilie, steward van de IOWUA bij Lago's mechanical yard heeft van

Gezien de grote belangstelling van vorig jaar, toen achttien groepen deelnamen, zal men dit jaar optreden in verschillende groepen. Hierdoor zullen op verschillende plaatsen op Aruba uitvoeringen kunnen worden gegeven. De commissie van voorbereidingen wil het Aguinaldos-feest tot een traditie laten uitgroeien, zoals in de afgelopen jaren het carnaval. Dandee met Anja Nobo en Dera Gai in juni betekenis hebben gekregen.

Acht dagen vóór kerstmis zullen overal op het eiland tenten worden geplaatst, met kerstversiering en verlichting en iedere avond zal er een groep Aguinaldos kunnen optreden om op die manier wat kerstsfeer te brengen. Een gedeelte van de opbrengst van dit optreden wordt verdeeld onder liefdadige instellingen zoals Stichting Un Yuda Otro, Amical en anderen, welke daarmee met kerstmis aan de armen kerstpakketten kunnen geven.